

Regentanz

Liedtext zu «Räägetanz im Räägegwand»
von Andrew Bond

Dass hüt rägnet macht mir nüüt,
nöd so wie de grosse Lüüt.
Ja, mir macht de Rääge Spass.
Ich ha Froid am viele Nass.
Räägetanz im Räägegwand.
Räägetanz im Räägegwand.

Will ich Gummistiefel haa.
E Jagge mit Kaputze draa.
Pellerine drüber iine
und en Räägeschirm, en chliine.
Räägetanz im Räägegwand.
Räägetanz im Räägegwand.

Räägetropfe gross und chlii
fang ich mit de Zunge ii.
Bächli schtaue, Gunte sprütze,
Schiffli fahre uf de Pfütze.
Räägetanz im Räägegwand.
Räägetanz im Rääggwand.

